

張先生翠屏集

詩文四卷戊申秋日收於邢江

明成化黑口本罕見

集中七夕吟倦後篇

皆為選家必錄者亦

明初詩人之健者也

張先生翠屏集序

三

四

五

六

嗚呼濂尚恐序先生之文耶先生長濂也濂初濡毫學文先生已擢進士第列官州府其教成均入詞垣先生之文益散落四方濂得觀之未嘗不歛衽而以未能識面為慊去年春始獲與先生會于京師各出所為舊藁相與劇論至夜分弗之倦且曰吾生平甚不服人觀子之文殆將心醉也濂竊以謂先生素長者特假夫褒美之辭以相激昂爾非誠然也曾未幾何

先生使安南道次大江之西特造序文一首相
寄其稱獎則尤甚於前日者濂讀而疑之酸醜
之嗜偶與先生同故先生云然非濂之文果有
過於他人也方將與先生細論而九原不可作
矣嗚呼濂尚忍序先生之文耶文之難言久矣
周秦以前固無庸議下此唯漢爲近古至於東
都則漸趨於綺靡而晉宋齊梁之間俳諧翫散
歲益月增其弊也爲滋甚至唐韓愈氏始斥而
返之韓氏之文非唐之文也周秦西漢之文也

韓氏之文固佳獨不能行於當時逮宋歐陽脩
氏始效之歐陽氏之文非宋之文也周秦西漢
之文也歐陽氏同時而作者有曾鞏氏有王安
石氏皆以古文辭倡明斯道蓋不下歐陽氏者
也歐氏之文如澄湖萬頃波濤不與魚龍潛伏
而不動淵然之色自不可犯曾氏之文如姬孔
之徒復生於今世信口所談無非三代禮樂三
氏之文如海外竒香風水齧蝕已千餘祀樹質
將盡獨真液凝結蘄然而猶存是三家者天下

咸宗之有元號稱多士或出入其範圍而彙括其規模者輒取文名以去故章甫逢掖之徒每驕人曰我之文學歐陽氏也學曾王氏也殊不知三君子者上取法于周于秦于漢也所以學歐陽氏而不至者其失也纖以弱學會氏而不至者其失也緩而弛學王氏而不至者其失也枯以瘠此非三君子之過也不善學之其流弊遂至於斯也文之信難言者一至如是乎濂與先生劇論時未嘗不撫卷而三嘆柰何狂瀾既

倒滔滔從之而無有如先生之所慮者也不亦悲夫今觀先生之文非漢非秦周之書不讀用力之久超然有所悟入豐腴而不流於叢冗雄峭而不失於粗厲清圓而不涉於浮巧委蛇而不病於細碎誠可謂一代之奇作矣先生雖亡其絢爛若星斗流峙如河嶽者固未始亡也信諸今而垂於後者豈不有在乎如濂不敏童而習之顛毛種_上猶不得其門而入凡先生之稱獎者皆濂之所甚愧者也先生之子孟晦乃持

翠屏藁來徵爲之序嗚呼濂尚恐序先生之文
耶故舉先生相與論文者書之於篇端庶幾流
俗知所自警而讀先生之文者亦將知其用意
之所在也夫詩若干卷文若干卷春秋經說若
干卷不在集中先生諱呂寧字志道姓張氏福
之古田人泰定丁卯進士仕至翰林侍講學士
云洪武三年秋七月一日友第翰林學士金華
宋濂謹序

翠屏張先生文集序

自予習舉子業則聞古田張志道翠屏先生有
古文聲未之見也後乃于其令六合時所贈吾
里彭彥貞文讀之金石鏘鳴作而嘆曰時文舉
子顧有此作也耶又三十餘年復得其文二三
通于先輩胡古愚之子季誠所其時所地在禁
林文名埒潞公筆力則霜餘水涸涯涘洞見矣
然每恨不得其文集之完而觀之文集之完治
世之音之完以不所繇見也今年春其子炬以

歲貢上庠携其詩若文全集過乃翁高第第子
春秋博士石仲瀛所仲瀛一見悲喜交集先生
生光嶽渾全之時文得大音完全之體雖製作
當瓜分幅裂之際而其正氣渾涵有不與時俱
磔裂而節制以柳宏放以韓與蘇醺經飲史吞
吐百氏治世之音完然也仲瀛以予知先生之
素俾其子獻請序其首而壽諸棗予嘉仲瀛之
能不私其所存眎世之祕不以示人者其爲人
賢不肖何如也元至治辛酉進士蜀楊舟梓人

寓鼎宋本誠夫相頡頏以古文鳴未科第之先
宋有至治集盛行前代而梓人孫宣斬其傳人
無得見之者宣旣死其祖之文亦因以泯沒無
傳予嘗忽遽中一借觀楊之文古而談博先生
之文古而精粹皆能脫去時文窠臼而自成一
家者然則仲瀛以其徒而情之親不讓李漢炬
以其子而不斬其父之文賢於楊宣遠矣咸可
書也因不辭而爲之序

洪武甲戌六月戊寅翰林學士劉三吾書

翠屏張先生文集序

閩中近代諸儒多以文章知名惟國子監丞
陳公衆仲翰林直學士林公清源與國子祭
酒張先生志道其允著者先生福之古田人
少有志操邃於經史登泰定丁卯進士第釋
褐列官郡邑有循良風後丁時多艱留淮南
者久之復力學不倦銳志古文辭自先秦兩
漢唐宋以來諸大家文章靡弗周覽詳究矧
所友皆一時鴻儒碩士論辨淬礪者有年積

之既久淵渟涌溢沛乎其莫能禦每操觚立
言引物連喻貫穿經史百氏而一本於理其
氣深厚而雄渾其辭嚴密而典雅不務險怪
艱深以求古不爲綺靡續麗以徇時其五七
言古詩及近體諸詩沈鬱雄健者可追漢魏
清婉俊逸者足配盛唐蓋可謂善學古人者
也在至正中嘗傳經壁水視草玉堂尋拜太
司成之命所歷皆宜其官聲名赫然與陳林
二公相埒不惟中朝重之四方舉重之矣

聖朝初定天下例徙南京復爲學士奉使安南
以卒實洪武三年庚戌也先生平昔著述甚
富後多散佚文則其子孟晦彙次太史宋公
景濂序之詩則其門人國子博士石仲瀛編
次學士劉公三吾長史陳公南賓序之今諸
孫南雄教官隆復以使安南彙續板行世先
生著述至是始克全見文采爛然足以垂後
著世與陳之安雅堂集林之覺是集並傳無
疑矣隆博學有文克世其家間徵言爲序顧

余淺陋奚足以知之然不虛辱其意因書此
以致景仰之私云

宣德三年戊申五月朔掌國子監事嘉議大
夫通政使司通政使羊城陳璉書

翠屏張先生詩集序

福之張公學士號翠屏先生登丁卯進士第以
詩文鳴天下予少年讀書時聞其名籍甚心竊
慕之洪武己酉夏六月蒙

朝廷以賢士舉赴

京獲一見先生面先生許可之七月予有山東
行不得侍教左右以償其夙願未幾而先生逝
矣越十有六年予助教太學與同寅石仲瀛交
仲瀛舊從先生游每論及此未嘗不慨然也今

年春仲瀛遺其子詣維揚購先生遺藁得詩百
餘篇遂以示予予伏而讀之其長篇浩汗雄豪
似李其五七言律渾厚老成似杜其五言選優
柔和緩似常兼衆體而具之信乎名下無虛士
也讀畢仲瀛謂予曰吾沐先生之教多矣先生
之詩文雖未獲其全今姑以其存者錄諸藁而
其未得者續當求而傳之吾兄嘗見知於吾先
生曷一言以弁其首予觀昌黎韓公詩有云李
杜文章在光燄萬丈長流落人間者泰山一毫

芒則昔人之詩遺逸者多矣先生平日所為詩
不知其若干首兵燹以來其金藁不可復見而
百篇之詩續者莫不擊節稱歎况求而有得乎
予也重先生之學嘉仲瀛之義若掛名其文字
間以識其高山景行之意豈非夙昔之所願哉
於是執筆謹書以序其顛末云

洪武己巳二月望日後學長沙陳南賓序

詩文一依監本博士石仲
瀛先生批點中間漏板不
復刊行今將家本增于後
成化十六年庚子歲孟冬
吉旦嗣孫張淮捐俸重刊

翠屏集目錄卷之一

四言古詩

題松石圖

題松隱圖

五言古詩

題畫鷺卷

峨眉亭

題子猷訪戴圖

題節婦卷

四景山水

送楊士傑代祀闕里

送阮子敬南還

題李白問月

題石仲銘淵明圖

鑑清軒

網齋

遊句容登僧伽塔

七言古詩

嚴州大浪灘

題牧牛圖

分題蕪城煙雨

題畫山水

題米元暉山水

江南曲



題日本僧雲山圖 思歸引題寧軒 夜飲贈王伯純

題李白問月圖 趙子昂書魏將軍歌 郭城之百馬圖

王伯純別墅奉寄 題王伯純雨亭 題卜進士瘦馬圖

題綠遠青來卷 蒼邱文若見贈 次韻李孟函見貽

次韻送朱子儀歸尹 題舟中看山圖 青山白雲歌

清溪曉渡圖 玄妙觀蓮花圖 遊仙子次韻

舟中頌風次前韻 次王尹子懋韻 題手植松卷

林志尹秋江漁父圖 次韻唐括雲中 別如晦上人

登大佛嶺 題李瑞卿畫三首 梅所歌

蔣仲誠墨牛音 七夕吟 倦綉篇

洗衣曲 洗衣辭 送張東陽第

雪坡歌 送憲掾孫德謙 赤盞希曾墨菊

卓習之雪霽圖 題蘇昌齡畫 王提點招飲謝之

徐君美山水圖 李太白觀瀑圖 李秀才琴所卷

閩閩水吟 送宣掾李伯魯 安可久山水之間

祿上人蒲萄幃 高元德三山圖 羅漢渡海圖

吳子和山水 楊子第八港卷 饒良卿黃樓圖

長江萬里圖 贈醫者王本達 滄江漁隱圖

別廣東周參政 牛士良惠詩卷之 有竹詩為張玄略作

別胡長之 贈阮大冲 贈阮廷玠

翠屏集目錄卷之二

五言律詩

題聽鶴亭

江學文歸建昌

王伯純遊錢塘

侯邦彥遊建業

題姚節婦卷

青山白雲圖

九江廟

春日懷叔成

夜飲蔣師文齋館

題余寄庵卷

雨中

崇德道中

浙江

過龍游

宿籌嶺

贈何詹成

送徐君義縣尹

長芳寺

建業清涼寺

吳茶清茂軒

曹子益可竹亭

泊戚家堰

青山白雲圖

途中次子烜韻

舒嘯軒

至直沽

夜久

舟中見雨

江干

寄伯牙元卿

送僧南歸

次韻省中獨坐

次韻全上

山水圖

用烜韻呈王趙公

憶黃子約

董子廟

育春見柳始青

荆門關

宿迂縣

宿泛水

別王趙二公

過常州

近無錫道中

別忻都舜俞

過桐廬

夜泊東關

舟中

過蘭溪

泊湖頭水長

雨發常山

宿烏石

分水鋪道中

宿黃亭明日夏至

安南即景

五言長律

送陳子山狀元

送王傑開詔福建

送杜德夫經歷

次韻鄭蘭玉

賀尚書王本中

送館王韓憲使

挽友人

七言律詩

丁卯會試次韻音 長芦渡江往金履 喜丁仲容至

送帖僉憲赴山北 送完者僉憲 送馬仲達秋試

題劉商觀弈 題李使君園 周竹窓嘉竹圖

九日登蜀江 憶舊遊并懷黃季肅 次李宗烈韻音

次李宗烈見贈韻 題清隱圖 橫陽草堂

秋登九江廟 題山水之間巷 嚴子陵釣臺

夜泊獨柳 送僧遊杭 高郵

次王伯純韻 題石林茅屋 次韻荅茅壺山

題秀實卷 石仲濂所藏竹木 登閩關

麋家店

廣陵岳廟登瀛橋

常山縣

次李子威韻音

題唐明府畫

送葉景山掾史赴都

九日登蜀岡次韻

送崔士謙侍親

題遠遊卷

題拂雲亭

送人調浙東掾

次劉素軒韻

送李遜學獻書

寄題琵琶亭

送姜知事湖廣掾

寄廣西劉參政

初渡日次人韻

題采石峨眉亭

送劉素軒作守

送劉子昭省親

荅張約中見問

儀真范氏義門

南窓竹影

太平太傅致仕

次韻夜宿雙清亭

元日早朝次韻音

次李明舉韻

和周子英進講韻

次韻春日見寄

和暮春有感韻音

夢還家侍親

次韻感懷清明音

桃源春曉圖

題山水圖次韻

東坡淮口山圖

追和陽弘東湖韻

題雪窓墨蘭

南宮校文次韻

送謝弘道理問

送孔伯遜錄事

送欽先別歸山

送趙文中南歸

環翠樓

挽朱彥實母

次虛游軒韻

次李明舉貢院詩

次新春詩

都城春日次前韻

送陳彥博歸省

次韻成均春日

次江祭酒韻

過廬州答烜韻

岸行裏河濱

過沛歌風臺

寄丁仲容

沽頭

徐州霸王廟

范增墓

戲馬臺

燕子樓

黃樓

呂梁洪

邳州

吳門懷古

過吳江州

錢塘懷古

富陽南泊驟風雨烜次草蘋壁間用韻

至房羅店

過辛稼軒神道

題關上

過武夷

至文公宅里

建寧登玉清觀

宿大橋

至瓜州

同時敏猷詩答之

再次韻答之

過小孤山

贈同時敏

宴南昌省廳次韻

過南昌

贈萬安令馮仲文

舟中望贛州

贛州城下

南樵即事

平圃驛中秋翫月

舜廟

題峽山寺

廣州贈龔景清

封川縣

梧州即景

烏岩灘馬伏波祠

次韻登雷破岩

立冬舟中即事

龍州峇迎接官何符

春請命官阮仕橋

又答

次韻羅復仁編脩

情事未伸呈牛吉良

鬱孤臺

安南即景

次韻超然亭

送人遊茅山

竹軒

平野

雪石

泊龜山

自挽

七言長律

程鵬翼耀彩亭

得單字送之而臺

送人廣西都事

中書提控秋霽軒

五言絕句

泊十八里塘

渡江

青山白雲圖六首

賀李中丞壽四首

槐花

葵花

水紅花

木槿花

玉簪花

和拜明善韻

太和縣

揚州廣成店

七言絕句

月落潮生圖

雨中縱筆書悶

題顧善山水

崔元初醉翁圖

題小景

題壁間山水

題桃花圖

書所見

題扇

衢州爛柯山二首

憶六合

題畫猫

題畫白頭公二首

錢塘春遊卷

戲作杭州歌二首

存恕堂卷

浙江亭沙漲

溧陽道中次韻二首

王周叔山水圖

浙江潮圖

雲岩詩

劉元初桂花圖

二馬圖

畫紫茄

畫絲瓜

次韻春日見寄

墨蘭為湛然上人作

和馬仲臯詠文韻 題蘭蕙同芳圖 題雲窓蘭蕙圖

陸羽烹茶 蘇公赤壁 淵明送酒

逸少蘭亭 邊魯生墨竹 棠梨幽鳥

梨花錦鳩 次韻夏日即事 夜過陵州

東昌 梁山樂 泊沽頭

邵伯鎮 楊州 悼阿仲深狀元

聞劉子實訃 道中 子烜買紅酒

有感陸宣公事 夜泊零浦 過桐廬

宿新站 塗山店壁間詩 宿南嶺 三首

過崇安宿赤石 感胡永文事 贈星者蘇金臺

南京早發 晚泊石頭城下 過大聖港新河口

蕪湖 泊月子河 焦磯廟

過采石 月子河阻風 有感

為舟人題象圖 舟中望廬山 過臨江望閣皂山

憶故人鄧南臯 遇故人胡居敬 過臨江懷劉元父

吉水濱江皆舟山 安南使獻詩次韻 太和縣舟中

舟中憶亡兒烜 萬安縣費相故宅 夜聞雨

贈南康驛丞王珪 到韶州 帝舜廟

張文獻公祠 余襄公祠 發廣州

題畫馬 代簡周參政 代簡楊右丞 三首

贈省郎觀子毅 贈安南費安明 代簡劉參政 三首

論詩

詞

江神子

明月生南浦

翠屏集目錄卷之三

序

春秋經說序

經世明道集序

陳漢臣文集序

思存藁序

既山存藁序

包與直雲泉藁序

黃子肅詩集序

李明舉詩集序

釣魚軒詩集序

馬易之詩集序

宋氏族譜序

歐陽氏族譜序

楊氏世譜序

胡氏歲月日記序

秋野圖序

述善集序

張氏父子善行序

李氏善行序

袁氏善行序

李氏四節婦詩序

潞陽會文序

山林小景詩序

送劉濬廷教諭序

送王伯純迂葬序

送李遵學獻書序

送曾伯理歸省序

送奚子雲歸吳江序

聖屏集目錄卷之四

說

劉廷脩調安慶序

送鄭伯鈞序

贈李君南歸序

送曾判官序

送吳賓賜教諭序

送錢德元教諭序

送方德至訓導序

桐華新藁序

草堂詩集序

趙希貞詩集序

蒲仲昭詩序

送地理鄭隱山序

送知縣吳允思序

潛溪集序

送周參政序

送南寧焦侯序

劉可與詩序

月波亭詩序

應制鍾山說

靜壽說

澹雲說

劉漢子昭字說

徐清甫孫字說

定峰說

心雷說

無外說

開極說

月林說

雪崖說

贊

德淵贊

跋

遠齋銘

題申屠子迪毀曹操廟卷

書虛谷記後

跋廣州守徐炳文堅白齋記後

題宋寧宗為狀元曾從龍改名遺翰其孫光溥所藏

題盱江李復禮詩藁

題湛源卷

題慧上人照心卷

題雷縣尹所藏山谷書社詩後

題牧牛圖

襟記

記

天長縣志序記

靜怡精舍記

泉石山黃記

石室山房記

山隱記

聯桂堂記

和樂亭記

虛齋記

存存齋記

升齋記

秋堂記

河圖精舍記

苦學齋記

無間軒記

冰雪庵記

蒼雪軒記

訥庵記

曲密之房記

知愚齋記

順懿廟記

增修城隍廟記

臨江管轄記

廣州衛旗壽縣廟記

墓誌銘

學海陳公墓誌銘

徐母真氏墓誌銘

翠屏集目錄終

翠屏詩集卷之一

前國子博士門人淮


  

德慶州儒學訓導

德慶州儒學學正後學莆田黃紘訂定

德慶州判官後學閩泉莊楷校正



四言古詩

題松石圖

繫松之蒼繫石之剛曷以比德維士之良有蒼者松有剛者石繫士之良維以比德

題松隱圖

蒼蒼蘇石謾謾雲松空山無人月明在筇我思武夷三十六峯之子之邁携琴曷從

五言古詩

題尚仲良畫鷺卷

滄江雨疎。翻飛一春。鋤老樹如人。立欲下意。躑躅明生。
柳條長遮汝行捕魚。

峨眉亭

白酒雙銀瓶。獨酌峨眉亭。不見謫仙人。但見三山青。秋色
淮上來。蒼然滿雲汀。欲將五十弦。彈與蛟龍聽。

題子猷訪戴圖

平生戴隱居。破琴返雲嶠。亦有愛竹人。條然可同調。雪溪
夜回舟。未見心已了。乾坤淡虛白。吾方領其妙。

題節婦卷

妾有匣中鏡。一破不復圓。妾有絃上絲。一斷不復彈。惟存
古冰雪。為妾作心肝。死者儻復生。剖與良人看。

四景山水

山雨瀑如雪。林寒松未花。遙看飛閣起。知有梵王家。一僧
歸得晚。雲濕滿袈裟。

右春

崖斷石林合。風高雲葉飄。人歸雨脚外。高閣望中遙。應是
天台路。幽期在石橋。

右夏

秋嘯白雲晚。霜林紅樹多。野橋山郭外。行子暮來過。為問
小搖落。江南今若何。

右秋

寒月白千峯。林深路絕踪。遇知僧定起。踈響在高松。亦欲
剡溪去。其如山海重。

右冬

送楊士傑學士代祀闕里分題得硯井臺

清廟歸古城論堂儼遺井色淨涵市槐芳流泛壇杏經文
曩刪述墨沼發光澗源分鴻濛深澤配穹壤永茲行拜奠
蓋汲古用脩綆仰止千載心月明湛秋景

送重峯阮子敬南還

君家重峰下我家大溪頭君家門前水我家門前流我行
久別家思憶故鄉水何況故鄉人相見六千里十年在揚
州五年在京城不見故鄉人見君難爲情見君情尚爾別
君奈何許送君遽不堪憶君良獨苦君歸過溪上爲問水
中魚別時魚尾赤別後今何如

題李白問月圖

青天出皓月碧海收微煙舉杯一問月我本月中仙醉狂
謫人世於今幾何年桂樹日已老我別何當還兔藥日已
熟我鬢何由玄迢迢夜卽外垂光一何偏問月月不語舉
杯復陶然青天自萬古皓月長在天明當躡倒景飛步崑
崙巔

題海陵石仲銘所藏淵明歸隱圖

昔無劉豫州隆中老諸葛所以陶彭澤歸興不可遏凌煇
讌功臣旌旗蔽輶輅一壺從杖藜獨視天壤濶風吹黃金
花南山在我闌蕭條蓬門秋稚子候明發豈知英雄人有
志不得豁高詠荆軻篇颯然動毛髮

鑑清軒

幽居鑑湖上湖水直到門愛彼湖水清作此湖上軒水清
可以鑑皎若玻璃盆輕風蘋末來萬波生微痕散亂眉與
鬚感茲默忘言端坐鑑此心澄之在其源微風既不動止
水何由渾湛然鯢桓淵照見天地根群物芸芸動中有不
動存寄謝軒中人細與靜者論

網齋為張景思總管賦

煌々五色錦出自天孫機河漢濯文彩雲霞光陸離裁之
古刀尺被服禮所宜終焉不自衒衣裝以尚之白賁遵聖
訓含章示臣規豈乏美在中詎求衆人知問茲誰為歟君
子有令儀承家世衮繡保已猶布韋盛德詎終闕天道諒
如斯善刀用乃完蘊玉光逾輝願言珩照代蔽我舜裳衣

遊句容同林景和縣尹子尚規登僧伽塔賦

嵯峨崇明塔拔地一千丈我攀青雲梯條到飛鳥上微風
韻金鐸初日麗銀榜維時十月交葉脫天宇曠群山東南
奔平川疊波浪雲間三茅峰園立儼相向碧瓦浮鱗々茲
邑亦云壯鷄鳴四閩開攘々異得喪塔中宴坐僊憐汝在
塵埃古時登臨人今者亦何往俯觀世蟬蛸仰嘆彼龍象
乃知崑崙巔可以小穹壤同遊皆雋英超遙寄心賞霜飈
天際來毛髮颯森爽太白去十年吾何獨惆悵

七言古詩

嚴州大浪灘

東來亂石如山高長江斗瀉湍聲豪蛟鼉奔走亡其曹青

天白雪揚洪濤舟子撐殺白木篙長牽百丈嗟爾勞側身
赤足如猿猱舟中行子心忉忉山木龍從杜鵑號

題牧牛圖二首

返照在高樹歸牛度會坡一犢年然赴其母老特反顧情
何多牧兒見之亦心惻人間母子當如何日暮倚門烏尾
訛

中國有樹葵大田亦多稼牧人急曳牛鼻迴恐爾踐之隣
父罵何時睡起兩相忘吹笛西風柳陰下青山白日秋瀟
灑

分題蕪城煙雨送吳原哲教諭

蕪城路年去年來自煙雨舟人春濃濕燕絲濛曉暗迷

驚樹鮑昭愁絕未歸來為畫當時斷腸賦登高悵望正思
君帆影微茫又東去

題畫山水

雲渺々水依々人家春樹暗僧舍夕陽微扁舟一葉來何
處定有詩人放鶴歸

煙暝起雨踈來溪樹陰都合岩花濕更開安得身閑似鷗
鳥盡情飛去復飛回

題米元暉山水

高堂曉起山水入古色慘淡神靈集望中冥々雲氣深
恐春衣坐來濕江風吹雨百花飛早晚持竿吾得歸身在
江南圖畫裏令人却憶米元暉

江南曲

中原萬里奔空瀾山過長江翠如潑樓臺高下垂柳陰絲
管啁啾亂花發北人却愛江南春穹碑城外如魚鱗青山
江上何曾老曾見南人是北人

題日本僧雲山千里圖

天東日出天西入萬里虬鱗散原隰日東之僧度海來袖
裏江山雲氣濕願乘雲氣朝帝鄉大千世界觀毫芒却騎
黃鵠過三島別後扶桑枝葉老

思歸引題王居敬總管寧軒

家在永寧中宦遊淮海上使君作居軒坐必永寧向永寧
漢時蠡吾國日出城頭太行色宅中三祝百尺強曾是晉

公親手植淮海水遙遙馳使君紫馬黃金羈群仙相追佩
陸離瓊花璀璨東風枝江南雖樂非吾土故國河山勞夢
思思心日夜如春水流入溥沲無盡時寧軒之名重桑梓
傳子傳孫孫復子獨不見班超長望玉門關千古英雄亦
如此

夜飲醉歸贈王伯純是日王得容程子初同飲

歲云暮矣客不樂青雨亭前翫孤鶴城頭悄悄雲下垂竹
外騷騷雪微作亭中王郎風格奇愛竹愛雪仍愛詩開尊
酒好客更好坐中王程俱白眉紅爐照閣生春霧詩思騰
騰天外去玉姬舞倦迴風來吹倒三山見瓊樹馬蹄蹴響
客歸時留我更盡金屈卮塵空祗覺乾坤白飲醉那知宿

主誰坐聞一聲兩聲折撈燈起看竹上雪瑤華翠色森陸
離人影燈光兩清絕却歸覓紙醉自題烏啼古寺風寒
明年此夜知何處興發還應訪剡溪

題李白問月圖

誰提明月天上懸九州蕩々清無煙天東天西走不駐姮
娥鬢霜垂兩眉中有桂樹萬里長吳剛玉斧聲聞々顧兔
杵藥宵不眠天翁下視爲爾憐頗聞昔時錦袍客乃是月
中之謫仙帝命和予羽衣曲虹橋一斷心茫然竹王祠前
霧如雨躑躅花開啼杜鵑月在天上缺復圓人間塵土多
英賢舉杯問月月不言風吹海水秋無邊滄波盡捲金尊
裏清影長隨舞袖前相期追々在雲漢嗚呼此意誰能傳

騎鯨寥廓忽千年金薤青燄垂萬篇浮雲起滅焉足異終
古明月懸青天

題趙子昂書杜少陵魏將軍歌贈錢雪界萬戶

獨不見唐時將軍魏氏雄鐵馬氣無青海戎杜陵老子歌
都護臨江節士趨下風我朝錢侯岱岳秀英略與古將軍
同投壺白日刺桐靜傳箭清霜篁竹空誰書此歌爲侯贈
文章閣老吳興公侯昔受詔出閭闔黃金虎符白雪驄蒼
溪之上見舅氏三珠耀日光瞳々公時揮灑神與力此詩
此筆絕代工升年風雲萬變化貫月夜々橫長虹公騎驎
麟箕尾上侯射猛虎南山中我爲侯歌愧才薄展卷况有
杜陵翁樓船去冬下瀨水白烝宵纏牛斗官文八蛇示石

二弓會血鯨鯢漲海紅錢侯錢侯莫袖手侯家帶礪今元功

題郭誠之百馬圖

唐家羽林初百騎誰其畫之傳郭氏開元天廐四十萬英氣雄姿那得似風鬃霧鬣四百蹄或飲或斃長鳴嘶或翹或俯或騰躍意態變化浮雲齊黃沙雲暖地椒濕什什爲曹競相及蹂躪秦原狐兔空蕩搖渭水蛟龍泣前年話馬輸之官首宿開花春風開民間一駿豈復有何如飽在圖中看郭君才越流輩日迺策蟻封人不識驪駒豈少伯樂無捲還畫圖三嘆息

王伯純讀書別墅晨起有懷縱筆奉寄

伯純河東人寓居揚州有別墅近邵伯鎮常讀書於彼輕財好客誼侔古人且才甚高長於詩後領河東鄉薦

數日有所思作詩無好趣思君讀書芳桂林睡起題詩有新句謝公堞上棟花風密葉啼鶯綠如霧君如塵外鶴我似書中蠹人生知己海內稀縱有參差不相遇咫尺思君知幾回遠別懸知亦良苦草亭新竹長昨夜邗溝雨思君持酒時心逐江湖去明年柳暗金河路君馬如龍轡如組而今壁上好題詩記取王郎讀書處

題王伯純青雨亭

王家茅亭好藂竹青雨蕭疎滴晴綠白雲飛來西山岑曉

漲情：秋萬斛王郎磊落奇崛之英材氣壓雲根萬蒼玉
粉香染筆露離：翠羽聽詩霜簌：翠屏山人吟更狂於
此亭中幾回宿山中昔騎雪色鹿月上青琅響茅屋山嶽
咬起雨如軸我掛其下卷書讀十年倦枕夢中寒起視紅
塵眯人目王郎誦詩酌我酒我為君歌歲寒曲紅雲信宿
化黃泥百卉榮枯手番覆人間耐久獨此君令我嗟嘆看
不足曲終雙鶴為君舞仰觀青霄意踟躕王郎王郎莫相
疑歲晚期之在空谷

題進士卜友曾瘦馬圖

左丞燮玄圃曾索詩觀先生錄以寄之此其一也

卜侯喜我詩袖出瘦馬圖前有杜陵瘦馬行令我聞筆久

嗟吁憶昔馬齒未長日金羈蹙蹙鳴天衢遂景虞泉日未
晡羲和頓轡喘不蘇石根一蹶亦常事誰遣逸足輕夷途
霜風大澤百草枯飲斲不飽長毛踈相者舉肥汝苦瘠委
棄乃在城東隅病顏有時磨古樹翻蹄無力哀平蕪當年
笑殺紫燕愚中路清涕流鹽車嗟哉此馬世罕有駑駘多
肉空敷腴骨格稜層神觀在頰頰山澤之仙癯解劍贖汝
歸伯樂今豈無浴之萬里流練以百束菊首霜花白春雲
鋪氣全或比新生駒持之西獻穆天子尚與八駿爭先驅
瑤池雲氣浮太虛日出積雪青禽呼長望臨風心鬱紆

題綠遶青來卷

炎歊一月詩久廢忽驚山水墮我前一灣瑤環綠宛轉兩

葉娥黛青連娟青來綠遠各自媚使我當暑神脩然云是
仲德隱君之樓居迺在螺女江上城東偏南陽使君喜此
卷銀鉤玉唾相新鮮我聞李愿盤谷玉維輞川伊人曾中
瀟洒自岩壑所以山水有意為人妍我友李景陽邀我題
詩篇好山好水人更好想是三神島嶼巢神仙我遊金焦
望遠海一別九仙今十年白蘋鷺下動明月碧蘿猿掛啼
蒼烟更待涼風蕩餘熱即下嵩江覓釣船

荅豫章鄧文若進士見贈并謝蘇昌齡徵君

昨日出城風日暄今日雨聲早閉門陰晴百歲手翻覆長
歌君詩擊我尊昔年之春上京國曉趨閭闔觀朝元樽桑
出日壘黃道析木聚星環紫垣馮侯作歌君屬和我起擊

節清心鬼五年相望不相見萬事別來難具論鬢邊青絲
已霜色衣上紅塵唯酒痕瓊花開時廣陵市豈意共君同
笑言眉山座上爛熳酌三人歡好如弟昆縱談夙昔若夢
寐仰視明月低崑崙起携數友逐清賞雜還鞍馬城西村
江流地上白浩々山落煙際青渾々醉懷磊砢傾欲盡世
慮皎潔醒終存覩君佳兒宛在側雜佩婉孌紉芳蒸老親
稚子隔天未安得不使心憂煩感君相寬佩君語期君去
我高飛騫飢鴻嗷々紛在野我曹一飲皆君恩此身倘未
溘朝露誓將毫末酬乾坤鼻邊青絲一作江邊青鬢

次韻同年李孟函編脩見貽

玉京仙家十二樓真珠垂箔珊瑚鉤錦袍仙人醉吟處蟠

桃開遍金鰲頭笑予卜居問詹尹江楓揺落霜鴻影淮水
東邊昔過君瓊花瀉露金盤冷美人雲髻歌堂白日緩
纒迴清光五年相別復相見桂樹蕭颯飛秋霜君今青雲
致身早笑語從容陪閣老垂鞭曉拂瓊林枝抽毫夜視明
光草雪風吹酒生綠鱗我起洗濯新豐塵會當鳥爪擘麟
脯海上一笑三千春

次韻送同年朱子儀調光化尹還睢陽 新增

故人昔遇淮南樓金釵紅燭宵藏鉤持鰲爛醉對黃菊海
月正出東山頭故人今調襄南尹五雲飛佩揺霞影都門
馬首談舊遊酒熟貂裘雪花冷憶昔射策中書堂闔闔黃
道垂天光鷗鵬遠擊同千里鴻鴈相望動十霜荒雞野店

君行早到家定訪睢陽老階前新雨秀蘭芽堂背光風泛
萱草水銷漢渚波龍鱗飛舞雛鳳離風塵憶君明年重迴
首六隄花發襄陽春

題張起原舟中看山圖

張侯往年官衡州州之名山無與儔蓉旌羽節降白日紫
蓋石廩騰清秋侯也愛山得山趣似是昔時王子猷每憐
馬上看草草不得獨往探奇幽茲辰歸來好風色熨平翠
靛鋪湘流中流容與沙棠舟舟中傲睨紫綺裘青山喜人
不肯走一一自獻當船頭掀髯轉盼領其妙誰歟知者雙
鬢鷗明霞返照儼不動白雲翠煙相與浮獨不見已船換
拖水如箭盤渦較轉令人愁好山縱有豈暇賞急電一瞬

過雙眸古來會心亦良少千年幾見斜川遊絕憐詩句餘
秀色我起高咏心悠々朱郎落筆宛飛動母乃親見此景
不嗟候之意我亦有艇子况繫溪南洲秋山石上芝草長
我獨胡為此淹留 轉盼一作輾然

青山白雲歌送周熙穆高士歸天台省親時寓玄

妙觀

先生自註高士乃天台上參政孫

揚州冬雨泥一尺老子宮前紅葉積手持青山白雲之畫
圖道人別我將遠適天台山高雲冥々千年古鏡立石壁
甘棠圃廢蔓草深寂寞前朝叅政宅玄孫今者著黃冠朱
戶昔時羅畫戟圖書虹氣散如烟故山青々雲白々爾家
父老髮如絲斷山采雲人不識一別幾年不相見寸心千

里長相憶歸將雙橘壽高堂青山白雲供動色龍虎之山
隔風雨道人此中煉精魄他年拔宅上雲中此日看雲意
悽惻太華峰頭見夜日三島微青亂波赤道逢平叔頰語
之老夫曾是天台客

題馬致遠清溪曉渡圖

先生自註致遠廣西憲錄
子璠從予學

今晨高卧不出戶嵐晏黃塵九遠霧美人遠別索題詩眼
明見此清溪之曉渡溪傍秀林昨夜雨落花一寸無行路
歌闌桃葉人斷腸艇子拍々過溪去紅日青霞半晦明白
雲碧嶂相吞吐詩成君別我亦歸此景宛是經行處我呼
九曲峰前船君帆正渡瀟湘渚鴈去冥々紅葉天猿啼歷
歷青楓樹是時美人不相見我思美人美無度美人之林

濟時具我老但有滄洲趣他日開圖思我時溪上春深采
芳杜

題玄妙觀主程南溟所藏馮太守蓮花圖

往時毗陵二千石能作馮荷世無匹揚州真館驚見之江
水江雲動高壁紫臺日出群仙朝露洗搏桑太霞赤翠蕤
絳節光陸離漢女湘妃失顏色就中一箇異姿格彤霞酒
銷雪色白道人一笑三千齡太華秋風語疇昔憶予濯足
江上遊浩歌小海無人識荷葉荷花夢裏香倦遊見畫三
太息君當取此葉爲舟凌厲南溟觀八極暮年負老乞身
歸分取鑑湖千頃碧

遊仙子次韻王子懋縣尹

白波如山多烈風海中不見安期翁十三真君喚我語拄
杖擲作垂天虹金雞啼落仙岩月桃花滿地臘脂雪扶桑
曉日見蓬萊明霞萬里紅波熱酒酣少住三千春下視城
郭人民新仙家雞犬是麟鳳笑殺李白騎蒼鱗瑤臺咫尺
生烟靄昆侖不隔青天外寄聲白髮老劉郎辛苦茂陵望
東海

舟中順風縱筆呈王子懋縣尹趙德明知事

古詩皆
新增

行舟難逢萬里風同舟難逢兩詩翁長風駕舟似走馬詩
翁飲酒如長虹三年落魄瓊花月去年躡蹠金臺雪羨人
一笑舞羅衣酒上貂裘雪花熱漳河歸來二月春河頭柳

色黃金新玉漿浮盃瀉碧酒銀尺出網跳鮮鱗平原蒼葦
生晚靄上黨飛狐落天外詩成舉酒須飲之君看漳河走
東海

子懋王尹次予韻君越人嘗憶己巳春與胡允文
趙彥直陶師川遊鑑湖陟玉笥登山陰蘭亭問脩
竹尚無恙否酒酣賦詩一慨千古江海十載故人
天方因君興懷借韻一笑

淡黃柳色搖春風中流飛漿驚鳧翁憶昔鏡湖携窈窕故
人吐氣皆如虹秦望山前待明月苧袍歷亂揚花雪仙人
垂手授玉書仰首雲間五情熱洞簫吹老瓊枝春袖中短
墨長如新落帆潮回海門白有字難寄長江鱗蘭亭脩竹

生蒼靄因君興落湖山外筆床茶竈釣船行何日擊舷歌
小海

題劉志雲手植松卷

劉翁前代之故家種松不種桃李花蒼髯獨立風霜表幾
度人間春日斜翁家有孫俱白誓讀書松根看松色準備
長鏡斲茯苓同上青雲生羽翼

林志尹秋江漁父圖

江風搖柳雲冥冥小罍釣歸潮滿汀賣魚得錢共秋酌白
酒舩頭青瓦瓶樵青勸酒漁童舞擊甌唱歌無曲譜舩前
野鴨莫驚飛我有竹弓不射汝

次韻唐括仲寬照磨雪中

西山翠濕蓬萊股勾陳蒼々星聚五長風吹雪渡海來鳳
城佳氣如龍虎瑤林不斷接九天銀界混濛開三千靈姬
相顧一啓齒霓旌羽節何紛然道人宴坐歌雲門天光晝
然萬籟停玄圃日出春無痕白鶴載我三山行

予別黃若十又六年謗焉德簿父老當不復記然
區々常往來于懷也如海上人來見語亶々不能
休別又依々不忍釋予不知何也賦此以贈

朗公相見廣陵春自云家世黃山人老夫疇昔黃山客江
海見之情轉親坡陀石上曾波雪遍海蓮華白於月新詩
句々闡清妍高誦長風動疎樾清晨言別索題詩我衰詩
減黃山時春潮日夕海門去歸報山中省舊知

登大佛嶺雨中雲在其下

大佛嶺盡小石來黑崖削鐵懸崔嵬泉翻松根六月雪雨
老石路千年苔我行忽落青天外白雲四望茫如海黛痕
三點見蓬萊明星玉女遙相待九華天姥省見之人間有
山無此奇平生酷恨李太白不到闔山獨欠詩

題李遂卿畫

高堂暮冬見杏花的皪滿樹開丹砂生香麗色曉浮動春
風夜到仙人家名園題詩昔時見曲江煙晴江色變兩鵝
新乳出花間白雪紅雲光眩轉野人愛酒兼愛鵝持酒尋
常花下歌客中看畫色惆悵春風爾來獨奈何

右春鵝杏花

江風吹霜荷葉白
月出餘香動秋色
湘姬越女不復來
鴛鴦翡翠無消息
飛來屬玉一雙雙
雪衣白於荷上霜
更長迢遞不成睡
望極飛鴻雲外行
開圖漠漠秋光冷
念爾娉婷抱寒影
五月花開江水平
飛起紅雲渺千頃

右秋鷺霜荷

梅所歌為朱真彰作

梅之所梅之所不在羅浮之村
西湖之嶼迺在淮左竹西
最佳處主人治地斲雲根
絕種寒芳託幽趣翠禽啼
月沉山王笛惜霜繞樹嗟
梅之所考誰爭子所昔時
金谷桃李園倏忽春榮安
足數何時天雪新霽道
少人印竹扶持老夫去
百壺清酒十首詩造君
梅所誰賓主醉倒參橫

楚天曙

蔣仲誠墨牛圖二首

迴風吹雲垂柳枝
蔓草雨濕春離
牧人荷蓑笠叱牛
下來牛歸草
犢行遲
爾粟望母鳴
相追半弓顧爾犢無
乃日夕飢我見惻然念歸
以悲嗟哉楊德祖
蚩真小兒溪水無泥
新雨餘日透高柯
秋扶踈牧兒挈笻
箸獨澆水中魚人閑
放牛自如一牛長
鳴望太虛一牛顧
其牧無乃亦笑渠
我見嗒然觀物之初
嗟哉蒲山子區
讀何書

七夕吟全張士行賦

銀河迢迢向東注
玉女盈盈隔秋渚
金梭飛擲煙霧織
作青鸞寄幽素
青鸞織成不飛去
仙郎脉脉愁無語

相望朝復暮白榆搖落成秋樹藕花香冷鴛鴦浦天上銀
橋寶車度風清蕊殿開瑤戶雲弄霧裊芙蓉吐經年香夢
遙相許一夕離腸爲郎訴弄姬姑人留不住天雞角之扶
桑曙龍巾在萼啼紅露亂點雲開追飛兩伯勞西飛燕東
翫河乾石爛愁終古翠樓乞巧娉婷女鏡裏青螺掃眉嫵
博山沉煙裊雙縷不識人間別離苦

倦繡篇爲雲中呂遵義作

蘼蕪葉暗江雲暖翡翠單飛怨春晚陳女多情玉鏡分陸
郎薄倖斑駁遠寶鴨團爐百和香錦鴛方褥五文章陰之
垂柳籠書幌點之飛花落繡床雙鸞欲寄金龜情燕月吳
雲不相見柔腸萬轉逐迴文亂緒千條紫弱線女貞枝上
燕雙棲夜合花前思欲迷停針嘿之無人會但覺春山兩
葉低曉嘶綉勒門前路夜炙銀燈帳中語指點香茸舊唾
痕見妾朝之斷腸處

洗衣曲同唐括子寬賦

洗衣女卽是如雪寒波曉浸鴉頭襪笑移纖筍整綳素
腕微鳴玉條脫羅衣淚粉痕斑之欲洗未洗沉吟波寒
恐洗卽思去不洗復恐傍人看紅顏娟之照清泚祗惜芳
年駛如水西風夢冷鴛鴦起露滴紅香藕花死洗衣洗衣
復洗衣小姑嗔妾歸去遲小姑十二方嬌癡此恨他年汝
自知

洗衣辭并同仲寬賦

妾身內郡良家女雙鬟嫁作東隣婦寒機霜夜織流黃輸
與官中了門戶嫁時春衣裁白苧是妾手中織成布相從
箕帚不暫離雖有新衣不如故憶曾女傳授妾詩被服澣
濯古后妃妾家貧素無侍兒携水洗妾不辭妾人不是
西家施浣紗石上揚蛾眉妾人不比溧陽女殺身急義中
道虧河之水清且漪中有鯉魚紅尾肥堂上老姑日午飢
洗衣洗衣須早歸河上風塵縹妾衣

送張東陽第

昔我歸自黃山時曾送龍虎張君詩張君善詩逼張籍淡
若古瑟弦朱絲難凡之下有難弟有道有術仍能醫携詩
過我茅屋底每憶令兄欣見之上清真人喬雲氣南陽太

守清冰姿顧慙實我珠玉側華胄遇之那得辭君歸見兄
道賤子別二十年雙鬢衰山中茯苓尚可斲歲晚柳栗當
相隨

雪坡歌爲丁彥亭作

昆侖月窟西坡陀太古有雪高嵯峨金天爽氣幾萬里下
壓雪外之蓬婆乾坤何處着清致只有珠湖明月揚清波
丁君曾次有如此相逢索我題雪坡我歌不工奈君何何
時一舸夜相過閭風玄圃渺倒景瓊林玉樹交寒柯題詩
呼起雪堂老置酒酌之金叵羅然後躡積石俯黃河直騎
白鳳青冥表共聽瑤池黃竹歌看君散此太古雪下與草
木迴春和

送憲掾孫德謙北上

孫君憲府之白眉拱壁瑩然廊廟安往年少府寔初筮當
道好官多見知鷓鴣夜自金灘起隸駟曉上青天馳淮霜
秋清古栢樹海月夜白扶桑枝憲家宏綱甚照耀繡衣使
者常嗟咨飛刻如雲集臺閣束書即日趨京師恭聞先公
古遺愛只今古六人猶思高門翼、後必大天道昭、今
在茲紫微華蓋森列輔靈芝朱草祥明時蜚騰去、君莫
違舜琴待和薰風詩

赤盞為肅慎貴族於今為清門希曾其字者讀書
為詩善鼓琴且工墨菊有新意為予作四幅留其
二徵詩為賦此云

昔人畫梅如相馬此意豈在驪黃者希曾墨菊迺似之是
何奇趣幽且雅松窓無人高卧起池水盡黑臨書罷玄霜
玉盞擣秋風露濕吳紈淨瀟洒金錢失却漢宮寒蛺蝶飛
來怨清夜曩予步屨東籬下采、黃華不盈把即今却似
霧中看老眼摩挲忽驚詫熟視經營慘淡餘希曾豈是尋
常畫坡翁墨花詩更奇我今材薄况衰謝醉來墨瀋倒淋
滴自拭烏絲為君寫

題甬東卓習之郭熙雪霽圖

寒中七月天氣熱廣文先生晨告別生縮短卷出袖間四
坐森寒動秋髮青山漫、夜來雪玉虬曉凍鱗甲裂江寒
樹黑亂於雲浦白沙明光勝月是時樵蘇俱不爨千門閉

戶無車轍二翁偶坐何所爲披髯起視天宇濶憶昔剡溪
曾壯遊照舸玻璃夜光發廣文之家仕甬東頗聞此景尤
奇崛金鰲背上望銀濤羽節瓊旌蔽瓊闕送君歸去一題
詩清夢先君過吳越

題蘇昌齡畫

徐君遠從西江來親爲蘇子作松石松三千年鐵作層石
亦蒼寒太古色幾株老木相因依氣格不敢與之敵洲前
搖々者舟子短棹滄江蕩晴碧着子歎歌於其中仰觀青
天岸白憤是時東山月始出無邊露氣連赤壁潛蛟出舞
巢鷗翔江姬色動三太息眼中之人有太白風雲變態俱
無跡前輩風流今復聞人間絕景豈易得徐君更爲添野

夫共泛靈槎卧吹笛

之
湛淵王提點招飲出示座主馬中丞詩歸賦此謝

石田仙人玉爲節繡衣秋映琪花雪袖揮驪珠五十六飛
到淮南是明月淮南高士王方平雙騎蒼鹿吹瑤笙卧看
明月在窻戶桂樹雲影秋冥々昔我乘槎斗邊去親飲仙
人玉盃露丹成一別三十秋東望玄洲隔煙霧手攀桂樹
白髮新方平觴我脯麒麟飲酣語舊逸興發笑傲滄海生
微塵金雞呼日扶桑曉三山如黛潮聲小明當握手共掀
髯日觀層巔一長嘯

題徐君羨山水圖

天雲慘淡江欲雨古木陰森精靈語春潮夜落富陽江短
蓬曉繫蒼厓樹蓬間文人清隱者傲視滄浪吟太古蜃人
捉魚貫楊柳沽酒欲歸沙店暮掀髯以手招其來劃起沙
汀數行鷺飛不盡青天長漁舟散入蘆花霧遠山近山
無數青我恐斯人有新句酒船獨載西家施玉手冰盤行
雪縷酒酣竹弓抨野鳴笑調吳兒短裝舞開圖興發思賦
歸山水東南美無度

題李太白觀瀑圖

曉讀謫仙詩夜夢謫仙人反被錦袍橫玉塵夜月瑤樹秋
無塵遙指風煙昔巴蜀長鯨掉尾滄溟覆人間溷濁不堪
言揮手匡廬看飛瀑飛萬古匡廬山我輩長留天地間
身騎飛鯨躡恍惚月明夜々聽瀉潑予亦浩蕩雲林客乞
與飛淙洗心魄覺時見畫獨茫然月滿青山澹秋色

李秀才琴所卷

圭齋先生吾座主揚州拜之今五年京師見贈李君字我
未識面知君賢君家具區澆漉邊流水倒入冰絃絃山空
露下鶴孤響林深人稀蘭獨妍憶昔我從成連仙夜鼓一
曲蓬萊巔衆真拊掌六鰲舞碧海白月懸青天論心相許
太古上握手一笑清尊前圭齋今者歐陽子將琴未老先
歸田何時青山拂白石聽寫松澗鳴秋泉曲終細說玉堂
事與作人間圖畫傳

閩關水吟

閩關之水來隴頭排山下與閩溪流閩溪送客東南走直
到嵩溪始分手客居溪上雲幾重烏啼月出門前松天風
吹雲數千里飄飄直度長江水清淮浩蕩連黃河碧樹滿
地黃雲多夢中長記閩山路隴水潺湲似人語覺來有書
不得將海潮不上嵩溪陽平原春晚生芳草杜鵑聲裏令
人老行人歸來動十年潺湲隴水聲依然安得湘弦寫嗚
咽彈作相思寄明月

送宣掾李伯魯北上父李子實御史

憶昔君家先柱史骭髀不與世低昂春秋千古寸心赤風
雪十年雙鬢蒼丹穴之雛有文章早陪時髦歛高翔東行
吳會西江湘鷺車所歷飛秋霜崎嶇五嶺求盜使何能恩
君此彷徨英々大閩殿南服淮海襟帶環其疆幕中夫容
白日靜筆下玉蘂春風香三年笑談此日別々意已覺隨
飛揚鶯啼冥々江樹綠鴈去漠々河流黃天街折木霄漢
上列宿清潤垂光芒君家世德理必復君今升矣我所望
人生變化安可量人生變化安可量

題安可父山水之間

安子可父何清脩讀書淮海之東頭淮山娟々桂枝碧淮
水蒼々瓜蔓流雲開翡翠耀初日月出玻璃涵素秋作亭
名以山水間浩蕩逸興生滄洲松巔有時見放鶴葦畔亦
或聽擊舟一翁二季樂復樂萬事區々何所求我聞伯牙
去已父人間琴意常悠々安子安子爾家古瀛洲列仙冠

蓋此中游山連歸墟北斗近水到碣石青天淨側聆海上
有靈槎子能乘之問牽牛我家溪上更清絕瑤草長盡何
淹留亦欲翛然稅凡軼相從羽人戲丹丘

題雙峰祿天泉上人所藏南岳笑印蒲萄幘

南岳之僧今玄裝西遊慣見龍珠帳滿襟蕭爽金天秋醉
灑雙峰雪色幘雙峰上人晝誦經堦前雨花深一丈老髯
合還獻夜光貝闕蒼之月東上我嘗酷愛溫日觀今見此
畫尤豪宕古藤千年蛟始蛻霜骨脫落轉嶮強柔枝百尺
鳳下翔翠蕤婀娜森相向新鬚舊葉更可憐蟬翼蠅頭紛
萬狀下有漪蘭襟奇石意態翛然甚幽曠憶昔吾家漢博
望萬里乘槎凌浩蕩今朝展幘寒色來眼底玉闕冰雪壯

亦欲因之歌遠遊大呼千斛涼州釀

題高元德三山圖

我別三神海上之群仙海水清淺三千年狂吟醉倒不歸
去碧桃飄雪春風前使君此畫非人間令我把玩心茫然
六鰲^負鼎戴坤軸鼎立其下根株連曾峰俯視扶桑日老
樹遠入蒼梧煙崩崖鬼斧怒斲斷白虹噴薄飛奔泉綠陰
沙際行人立漁舟天末來翻々石橋蒼蘚滑去馬似聽流
水聲潺湲雲深路絕喬木合忽入小有仇池天樓臺明城
翠遠近紅霧蒼鬱蛟龍纏我疑金銀宮闕此景是中有陳
搏猶醉眠欲呼白鶴跨之去平生未了名山緣明當拂衣
卧松石石室共讀青苔篇

題楊子文羅漢渡海圖

天台之東巨瀛海濛濛元氣浮無邊應真十六山中來徑
渡萬里蛟鼉淵巨靈前驅海若伏翠水帖々開紅蓮神螭
猛獸兢軒翥穹龜巨魚相後先一山浮玉當其前石室古
蘚垂千年異人高居役衆鬼挽過巨浸如颶旋貝官神君
迎且拜明星玉女爭花妍陰風黯淡百恠集夫容折影飛
翩々石橋迴望渺何處紫翠明滅空雲煙問渠飛錫何所
徃母乃驚巖朝金仙金仙雪山方宴坐笑汝狡獪何紛然
書生平生未省見太息此畫人間傳清時麟鳳在郊野白
日杲々行青天

題吳子和山水

今代高人張師夔爾紙畫出紫陽詩青山娟々洗宿霧
綠樹粲々含朝曦孤蓬高卷在沙脚一叟獨坐閑支頤
返思前夜風雨惡滿蓑白雨飛淋漓牛渚天昏神鬼出
龍門雷動鼉鰲移明朝起視天宇淨金盤高掛扶桑枝
雲收浪息非昨夢樹色山光如舊時乃知穹壤間神明
有如斯高天日月常昭朗平陸風濤自險巖紫陽之仙
去我久茲理明明知者希秦川吳子和讀書見天機
喜得此畫邀我題嗟我倦遊材力衰大江長淮動千
里似此幾迴親見之行年五十未聞道徑欲從此栖
武夷

題揚子第八港韓氏十景卷

白雪趙子詩句好三年不見心懌々清晨小卷到我前萬

里江天淨如掃揚州城高雲氣秋八公騎鶴時下遊焦山
舟并夜光歇鐘聲曉入江南洲埋輪人去英雄泣至今忠
憤春潮急枉渚維舟竟日橫行人喚渡移時立絲絲垂柳
鬱金黃渺、流輝組練長殘陽欲沒明月出神山二點青
螺光港口歸帆如鳥翥雪暗江村不知處浦寒蓑白一漁
歸沙淨江清群鴈聚金山、前楊子津舟中來往逐風塵
江靈絕景閱之久持似瀟洒江居人草堂無貧髮欲白我
與趙子俱爲客起來書罷十景圖目送飛漚下江碧

題饒良卿所藏界畫黃樓圖

饒君手持新畫圖起摩雙眼驚老夫高林葉響書浙瀝平
阜野色春模糊綺疏繡瓦細毫末雕拱未甍盤鬱紆樓前

磊落三長身幅巾大帶皆文儒我疑岳陽或黃鶴此外風
景江南無君云乃北徐州之黃樓令我悵然思大蘇洪河
西來厚地裂蛟鰐抃舞號天吳飛樓雄壓城之隅萬馬肅
肅東南趨是州項氏昔所都綠槍金鏃埋平蕪瀝肝作書
上明主遠略翻見英雄粗相撻一笑視千古恐是作者黃
陳徒細看古意在綃素稍覺爽氣浮有須千年融結豈易
得峨眉草木今猶枯當時漂流江海過終古志士長嗟吁
君到樓中若把酒明月正在青天孤

長江萬里圖爲同年汪華玉賦

溲州太守吾同年香凝畫戟春風前談詩虛愧坐白晝忽
見浩蕩萬里之江天天開地闢鴻濛外風迴日動神靈會

蓉旂翠節下威蕤陰火明珠出光恠西山雪水青霄來豁
然映斷長川開洞庭浪瀾秋蕩漾漢陽樹遠雲徘徊廬阜
迢遙到牛渚樓渚重洲散平楚布帆漢水瓜步煙紅葉離
離石城雨山庵似聽鐘鳴野橋疑有行人行村墟微茫
灌木暗絕境毫末俱分明旅榜前頭更漁艇萬鷺千鴉動
寒影水窮霞盡已欲無猶是海門秋萬頃野人興發滄洲
間欲呼艇子吾東還熟看乃是雲巢畫巧奪神力迴天慳
太守邀我題小草上有仙人虞閣老開圖歡喜悲忽來令
我有句不能道仙人昔欲三神遊我居三神海上頭成連
莠我鼓琴颺白浪如山龍出遊夜夢從之看浴日十洲青
小洪波赤仙人教讀新宮銘酒醒扶桑露華白小山桂樹

淮之洲鴈影幾度空江秋嗚呼仙人不可見太守與我心
悠々

予使日南道吉安府主來訪舟中命醫者王本達
饋以善藥時予困於秋暑心目爲之豁然感其意
走筆爲賦長句以贈

青原之山白鷺洲清淑所產多名流詩書豈惟繼冠帶方
技亦復傳箕裘王郎肘後富奇術族醫如林誰與儔成林
樹杏光炫晝鑿井種橘清涵秋自言家傳十二世奇疾遇
之俱有瘳我持英蘆使交州秋暑作梗停吾舟舟中拜謁
饋善藥令我醒心寬百憂枕椰葉蠻溪稠飛鷺跼々天

南陬勸加餐飯慎自寶臨分好意殊綢繆明年嶺梅青豆
小候我歸棹春江頭濡毫爲作宋清傳使爾不朽名長留

題知印趙希貢滄江漁隱圖

金華之山淞水東高人曾隱於其中看碁乃逢牧羊子從
一白鹿雙青童爲言仙家足官府人間適意差無苦手把
虹霓百尺竿西占滄江釣煙雨青山江上畫不如影落西
湖搖碧虛左携玄真右魯望意在清隱非求漁石上蒼苔
坐吹笛龕楮閑看幾潮汐大漁出舞小魚聽釣本無鉤安
用直世間真隱能幾人何如天隱樂最真口吟滄浪望太
古心與鷗鷺遙相親予亦煙波垂釣客新詩猶帶滄江色
五羊一見如故人浩然興入錢塘春獨不見辛苦任公釣

東海五山三島流安在何當與子賦歸來脚叩兩舷歌歎
乃

別廣東周叅政幹臣

昔年漲海奔長鯨五羊城上飛攬揜

大明天子赫斯怒銅虎夜發期門兵戈船下瀨走海若設
騎度嶺潛山精刺桐春開白日麗篁竹夜靜微霜清蠻陬
夷落動萬里詐譏叵測非人情中臺持書國名卿
帝命汝往爲長城鳳闕裁冠拜

明詔龍江伐鼓嚴前旌仙人羨門安期生蓉旗羽節續來
迎南溟萬里展明鏡石无風息波無驚馬人龍戶來雜選
蜃樓蛟室收崢嶸磊落明珠溢中國爛斑卉服朝

神京會聞頌聲徹

丹宸入執政柄蘇黎泯獨不見唐家名相宋廣平廣州都督升台衡

牛士良惠詩既倚歌以和仍賦長句一篇以荅之

憶昔千步廊間住起聽臚傳禁門曙甲午科中看大魁奇章公後聞芳譽掉鞅天街笑語同譚文雪屋過從屢雲龍上下許相逐鴻燕參差那再遇倏逢令姪在金陵還與老夫同玉署紫泥忽自天上來英蕙偕從日南去畫鷁秋飛江面風藍輿曉濕關頭霧廣州西下望珠浦邕管南邊過銅柱槿花紅照瘴雨山柳葉翠暗蠻烟路嗔々長念鴈迴邊跼々遙憐鳶墮處自嗟老愧希古心每羨才堪濟時具

佐宣

德意示懷柔勸涉炎荒慎將護裝荷先備蠱氣侵蕙茲仍戒流言汚已欣婉畫起迂踈更喜清詩慰遲暮來春庾嶺及晚梅到日新洲采芳杜君上王維應制篇我尋平子歸田賦金鑿寓直倘所思好倩雙魚傳尺素

有竹詩爲張伯起子玄略作

我昔對策大明宮騎馬蹊蹠行春風萬花園亭會鄉里會拜君家有竹翁々時中年我差少同姓同鄉復同調酥茶清美酪酒濃倒意傾情共談笑翁住劔津之上游我家鳴玉溪水頭故山青琅動萬箇相約老去營菟裘翁向滕州我淮縣四十年間兩鴻燕憂葵空復寸心同宿草寧期雙

淚泣枕柳葉碧邕江清見翁令子難爲情卷中恍覩此君
面爽氣尚與秋崢嶸閩山蕭索飛寒燐喬木故家幾欲盡
有竹有竹今何如傷心久斷平安信吾鄉海上三神山翁
今弭節於其間令威來歸想愁絕節上點々都城斑兩江
信美非吾土子母少留還竹所明年倘許乞懸車共斫長
竿釣烟渚

別胡長之

我家玉溪上頭流萍南北四十秋閩中故人稀會面乃
見二妙嶺外之炎洲吾宗玄略佳公子翠竹鸞傳世其美
長之材名與之匹三胡諸孫固應爾我持使節安南行忽
逢照壁雙眼明建武驛中飲我酒一笑萬里蠻烟清桂花

榕葉天涯雨把臂談詩喜欲舞虛名誤我走俗塵滿意看
君聽鄉語敝廬荒壠孤兒盈每一念至幾無生君乘長風
破巨浪功成即爲吾鄉榮邕江東流日千里明年不歸如
此水錦衣行畫倘先予爲報音書萬山裏

贈安南善書阮生名太冲爲予書春秋春三正
月考及安南行藁予喜其楷法適美更其字曰用
和而詩以贈之

安南有生阮太冲隸書國中稱最工勁如精兵製善舞疾
若快匠斤成風老夫持節使絕域眼昏頭白垂龍鍾著書
暇日使之寫一笑聊足舒心曾寫書設官自漢代嗟汝乃
在炎荒中迢々嶺表產丹荔鬱々澗底生青松我興爲爾

作長句生起再拜生春容獨不見瓊州姜生遇蘇子姓名
亦可傳無窮

贈安南善書阮生名廷玠為予書春秋春三正
月考及安南行藁予喜其楷法適美更其字曰寶
善而詩以贈之

安南有生阮廷玠隸書國內知名最整如老將嚴甲兵莊
若端人正冠帶老夫持節使炎州頭白眼昏今老大著書
暇日使之寫一笑令人心目快唐時選人用楷法嗟爾乃
在要荒外翡翠天涯隱羽毛蛇珠海底沉光怪我興為爾
作長歌生起脩容重再拜獨不見僂耳黎生遇老坡亦得
姓名傳後代

翠屏詩集卷之一

